

四庫全書

史部

欽定四庫全書

禮部志稿卷三十四

明 俞汝楫 編

祠祭司職掌

恩卹

國初武臣亡歿念其勲勞賻卹之典特從優厚其後漸為限制今併文武卹典著於後而外夷官員亦附焉

祭葬

洪武二十六年定一優給則例凡陣亡失陷傷故淪沒者全支邊遠守禦出征并出海運糧病故者減半一品米六十石麻布六十疋二品米五十石麻布五十疋三品四品米四十石麻布四十疋五品六品米三十石麻布三十疋一公侯亡故不分病故陣亡止給麻布一百疋禮部奏輟朝三日仍具手本行移在京衙門知會一將引本官家人赴內府給與布疋一咨工部造辦冥

器棺槨及撥人匠甄石造墳安葬一劄付欽天監選擇
墳地一具手本赴光祿寺備辦祭物遣官行禮一禮部
奏議封諡一自初喪至除服以次遣官致祭聞喪入殮
首七至終七下葬百日新冬周年二周除服一都督
至都指揮亡故禮部奏輟朝二日移咨工部造辦棺槨
等項仍備辦祭物自初喪至除服節次遣官致祭聞喪
下葬百日周年除服如合優給者照前則例并咨兵部
照例追贈一指揮使至指揮僉事亡故禮部移咨工

部造墳安葬亦節次遣官致祭安靈下葬周年除服照
例優給追贈 一衛所鎮撫千戶百戶亡故禮部移咨
工部造墳安葬止二次遣官致祭安靈下葬照例優給
追贈 一公侯及在京一品二品父母妻喪三品四品
父母喪曾授封贈及致仕者各照品級造墳安葬在外
止祭祀未封贈者無 一在外都指揮使至指揮僉事
止是禮部遣人往祭一次若回京安葬則照例祭祀造
墳千百戶則無祭葬例 一公侯在外病故聞喪止輟

朝三日靈輓到京仍輟朝三日下葬輟朝一日

永樂以後續定凡公侯承襲病故者祭二壇若管府事有功蹟加太子太保以上及守備南京者俱祭十六壇

凡駙馬都尉病故者祭十五壇 凡伯爵承襲病故

者祭二壇其年幼襲爵不及而故者祭一壇若管事有功蹟加太子太保以上者祭十五壇 凡公侯駙馬伯

病故俱輟朝一日齋糧麻布取自上裁其喪禮照依定制若公侯伯為事病故者祭葬等項俱無 凡公侯伯

母與妻俱祭二壇有葬係皇親者加祭壇數取自上裁
凡兩京二品以上文官併父母妻三品文官併父母
曾授本等封者照例祭葬其三品父母止授四品封及
四品官并父母授本等封者俱止賜祭一壇若止授五
品以下封者祭葬俱無其有出自特恩者不在此限

凡一品官病故者輟朝一日祭九壇父母授封至一品
者祭二壇妻祭一壇 凡尚書左右都御史在任病故
者祭二壇其加有東宮三少或兼大學士贈一品者祭

四壇父母妻祭俱一壇 凡兩京三品官病故者俱祭
一壇致仕者亦然其以侍郎兼學士贈尚書者祭二壇
凡兩京三品以上官葬祭制度俱照依品級其四品
五品官得特恩賜葬者亦以本等品級為定惟衍聖公
葬祭照一品施行 凡左右都督至都督僉事管府事
病故者俱祭六壇齋糧麻布取自上裁其先有功後間
住病故者祭二壇母妻祭俱一壇俱有葬 凡都督僉
事以上葬禮俱照品級若署都督僉事祭一壇無葬

凡中都留守正副俱祭一壇 凡在京親軍衛分帶俸
都指揮使及同知僉事在御馬監把總或出充叅將遊
擊等官有功無過者祭一壇 凡錦衣衛等官指揮使
同知僉事或帶俸都指揮職銜者俱祭一壇以上俱無
葬其係干皇親者祭葬取自上裁 凡在京在外文武
官員不拘品級其以死勤事者卹典取自上裁 凡女
直都督等官永樂間差官齋香鈔諭祭近例因其奏請
給與表裏祭文令帶回自祭 凡達官都督等官永樂

宣德間來京病故者隨時遣官諭祭或給棺賜葬舊例
禮部年終類奏分遣官祭之

行今不

若在邊歿於戰陣者

不在此例 凡外國使臣病故者令所在官司賜棺及

祭或欲歸葬聽其自便 凡在京文武官員及夫人病

故者嘉靖六年令止與應得祭葬其齋麻布一體裁革

凡公侯伯歿於王事者嘉靖八年題准於本爵應得

祭外加祭二壇 凡二品以上大臣在任病故者嘉靖

二十八年議准行兵部應付船隻腳力差官一員護送

還鄉

隆慶三年更定凡四品五品文官以侍從春宮軍功等項應沾卹典者禮部臨時具由取自上裁其他一切雜塗盡行停止

弘治十年例

遇有前項陳請仍先移文翰林院

兵部覈實如軍功必躬履行陣侍從必日侍講讀春宮必親奉出閣開陳有勞方與具由題請若止曾受官未經實効勤勞者不准

嘉靖二十三年例

其特恩所加祭葬大約

於本等品級內量加一等如無祭者給與祭一壇無葬

者給與半葬應半葬者給與全葬如講讀官則五品本
身有祭四品本身父母得擬祭葬三品祭得及其妻軍
功則四品本身得擬祭葬三品未滿得及其父母各有
差等不可越次妄生希覬或有講讀年久啟沃功多軍
旅身殲勲勞懋著者卹典自宜加厚禮部臨時議擬奏
請定奪 凡二品官本等祭二壇若加陞一品致仕者
祭五壇 正德七年例 加東宮三少致仕者祭三壇 正德六年例 原加
東宮三少而續奉旨革去者止與本等祭二壇妻未封

夫人者不准與祭

俱嘉靖二十三年例

其加陞日淺政蹟未著者

臨時覈實奏請量減若被劾冠帶閒住者祭葬俱無

俱弘治十

年例

凡四品官已經考滿者其父母例不重封雖止

授五品封亦與祭一壇未考滿者不准

嘉靖二十三年例

凡

四品以上官其父母曾授本等封贈者先後病故祭得

因後并及其先如有前母亦得及之無封贈者不許越

例陳乞其品官妻非係封贈夫人者原無祭典不准與

祭

俱嘉靖二十三年例

凡被劾聽調官有心本無疵事因誣誤

雖遭指摘不累其人品者應得祭葬仍准全給或功有
可錄過有可原者功過當相較量其祭葬應全給者半
給應半給者有祭無葬若罪過昭彰公論共棄者照間
住例不准給 凡公侯伯本爵應得祭二壇若在內掌
府事坐營

守備南
京同

在外總兵征討積有勲勞而加太子

太保以上者公侯祭十六壇伯祭十五壇掌府事坐營
總兵歷有勲勞祭七壇掌府事坐營積有年勞者祭五
壇雖掌府事坐營而政績未著者祭四壇掌事而被劾

明間住者止與本爵祭二壇被劾而未經勘實者祭一壇勘實而罪重者并本爵應得祭葬一槩盡削凡都督同知僉事起用未久病故者與祭三壇

嘉靖三十年例

錦衣

衛都指揮使身後贈都督同知者亦祭三壇

正德二年例

俱

照例造葬

萬厯六年更定凡文官三品以上不論已未考滿其各父母妻必曾授本等封俱照例祭葬四品本身及父母皆止一祭無葬不出自特恩者不拘凡一品父母妻

已授本等封於例祭外父母有加祭二壇者

正德十年例妻

有加祭一壇者

弘治十年例

係出特恩取自上裁陳乞者不

得輒援為例

凡三品官曾經考滿者祭一壇全葬未

經考滿者祭一壇減半造葬

正德六年例

其以侍郎兼學士

贈尚書者祭二壇不拘已未考滿給與全葬或兼官雖

同非係贈尚書者止給與本等卹典不得槩援為例

凡致仕養病終養聽用等項官員祭葬俱與見任官同

革職間住及先曾為事誅戍遇蒙恩詔辨復原職者祭

葬俱不准給 凡文官二品三品共實歷三年以上者

雖未考三品滿父母准與三品祭葬三品四品共歷三

年以上者雖未考四品滿父母准祭一壇若未及三年

者不准

正德九年例

其有未及三年而遇蒙恩詔父母已授

本等封及父母先授外封後任京職考滿例不重封者

俱照品級給與應得祭葬

內外通理嘉靖二十八年例

凡三品以

上官有被劾致仕及先被劾冠帶間住後奉特旨復職

者俱准照例與祭葬

弘治十年嘉靖二十七年例

若罪過昭彰公論

共棄者不拘見任致仕等項俱不准給其被劾間住遇
蒙覃恩槩復致仕者亦不准給被論聽調及聽勘未明
病故者務稽考其平生履歷人品高下功罪重輕議擬
奏請定奪 凡公侯伯為事未經勘實身故者其妻封
命雖未追奪亦從夫例止與祭一壇 凡左右都督都
督同知都督僉事管封事及在外總兵病故者俱祭六
壇照例造葬都督同知以上不分真署一體給祭葬署
都督僉事止祭一壇不得妄援 凡興留正副都守俱

祭一壇 凡以死勤事若抗節不屈身死綱常者犯顏
諫諍身死國事者執銳先登身死戰陣者危城固守身
死封疆者諸如此類開具實跡卹典取自上裁其或城
池失守戰陣敗衄以致殞命者不許一槩議給

萬厯十二年續定凡公侯伯掌府坐營總兵加太子太
保以上者必查前項官銜因何加授果以勲勞進秩方
許照會典公侯祭十六壇伯祭十五壇之例如係因事
加恩功業未副者止照勲臣二等事例與祭七壇其有

不願坐營管府懇疏乞休者查其平生有功無過俱照見任優卹 凡三品以上致仕官其雅負時望懇疏乞休者照見任例給與應得祭葬如被劾致仕及考察自陳致仕者二品曾經考滿祭葬准全給未經考滿者祭照舊葬價減半三品曾經考滿祭照舊半葬未經考滿者有祭無葬四品雖經考滿亦不准祭其被劾自陳官員有日久論定原無可議者仍照例給與祭葬父母妻曾授本等封者應得卹典亦視本身致仕緣由以為差

等不得濫給 凡三品已上被劾聽用聽調官員祭葬俱照今擬被劾自陳致仕官遞減之例如公論已明人品無玷仍准全給聽勘未明官員有陳乞卹典者仍行原勘撫按衙門查明無礙應否量給臨時題請定奪如果果有顯過為公論所不容無論聽用聽調聽勘徑照間住例俱不准給其父母祭葬亦稽其子功過以為差等凡京官三品陞四品者不拘四品已未考滿俱照三品未考滿例祭一壇半葬父母曾授三品封者與同授

四品封者止祭一壇其原以三品降調後歷陞四品者
止照四品例不得妄行陳乞 凡三品父母曾授本等
封者無論亡故先後一視其子以為差等其已經考滿
者祭葬全給未經考滿者祭一壇減半造葬 凡文官
二品三品共歷三年以上者雖未考三品滿其父母曾
授四品五品封准與三品祭葬三品四品共歷三年以
上者雖未考四品滿其父母曾授五品封准祭一壇其
未經受封及止授六七品封者不得援以為例 凡三

品官本生父母有值覃恩乞以本身應得誥命移封者
身後量給祭一壇其授二品封者量給半葬 凡二品三
品文臣曾經賜葬者妻故在後俱准祔葬惟授封夫人
者例給開塋工價其餘不給若妻先故者除已封夫人
照例祭葬外其餘俟夫故之日祔葬 凡營府及總兵
都督僉事止與祭四壇照品造葬其陞署都督同知者
如之若由署都督僉事陞署都督同知者祭二壇減半
造葬 凡留守正副親軍衛分都指揮使等官贈都督

同知者於本級上加祭一壇減半造葬 凡三品以上
文官父母曾授本等封而予先亡故者萬歷元年題准
若無違礙仍與應得卹典若被罪削籍本身原無祭葬
父母雖經授封亦不准給 凡大臣父母先後病故者
萬歷三年題准如父先以三品封給祭葬其母後封一
品夫人開壙合葬者准行工部量給增造工價以足一
品之數 凡公侯襲爵未謝恩病故者萬歷二年議准
照伯襲爵未久例與祭一壇葬 凡奏請卹典萬歷元

年題准兩京大臣病故應得卹典如見任公差於外者
許各差撫按官勘明具奏其在家致仕養病給假等項
病故者各地方有司具本官履歷緣由及病故日期申
報撫按衙門覈實季終類奏中間果有行業超卓公論
共推及罪過昭彰公論共棄者據實開列聽禮部議覆
若大臣見在不拘見任致仕其父母妻曾授本等封病
故者許照例自行陳乞其致仕在家等項子孫微弱官
司一年之外不為代奏者亦許子孫自行陳乞禮部仍

行撫按勘明議覆若撫按官并所屬留難者聽禮部及

該科叅究

以上
喪葬

賜諡

凡議諡洪武初俱禮部奉旨施行二十五年令禮部行翰林院擬奏請旨 凡親王諡例用一字郡王二字弘治十五年奏准親王行巡撫巡按等官覆勘郡王行本府親王及承奉長史等官覆勘善惡得實明白結報具奏定諡

隆慶四年題准凡冒襲王爵奉旨改正者不許一槩請
諡 凡文武大臣賜諡亦用二字與否取自上裁若官
品未高而侍從有勞以死勤事特恩賜諡者不拘常例
弘治四年令凡乞恩賜諡者禮部斟酌可否務合公論
不許一槩比例濫請十五年奏准文武大臣有請諡者
禮部照例上請得旨行吏兵二部備查實跡禮部定為
上中下三等以行業俱優者為上行實頗可者為中行
實無取者為下開送翰林院擬諡請旨

萬厯元年題准大臣應得諡者禮部仍廣加咨詢稽覈
名實間有應諡而未經題請及曾題請而未蒙賜諡者
不論遠近許各該撫按及科道官從公舉奏禮部酌議
題覆補給若不係公舉子孫自陳乞補諡者不行十二
年題准凡遇文武大臣應得諡號者備查本官生平履
歷必其節槩為朝野具瞻勲猷係國家休戚公論允服
毫無瑕疵者具請上裁如行業平常即官品雖崇不得

槩與

以上
賜諡

喪服

國初大明令依古禮父服斬衰母齊衰報服如之庶
母服總三殤降等洪武七年始加折衷著為孝慈錄
父母俱斬衰而減報服省殤禮定喪母服以杖期又
列圖於律至今遂為定制

斬衰三年

子為父母 庶子為所生母 子為繼母 子為慈母

母卒父命他
妻養已者

子為養母

謂自幼過
房與人

女在室為父母

女嫁反在室為父母

謂已嫁被出而歸在父母家者

嫡孫為祖父

母承重及曾高祖父母承重者同

父故嫡孫為祖承重服若父祖俱亡而子

孫為曾高祖後者同

為人後者為所後父母

為人後者為所

後祖父母承重 為人後則妻從服

婦為舅姑

即公婆

庶子之妻為夫之所生父母 妻妾為夫

齊衰杖期

嫡子衆子為庶母

謂父之妾

嫡子衆子之妻為夫之庶母

為嫁母出母

即親生母因父卒改嫁及父在被出者

父卒繼母改嫁

而已從之者 夫為妻

齊衰不杖期

父母為嫡長子及眾子 父母為女在室者雖適人而

無夫與子者亦同 繼母為長子及眾子 慈母為長

子及眾子 孫為祖父母女雖適人不降 為伯叔父

母

即伯伯姆
叔叔嬭姆

妾為夫之長子及眾子為所生子

為兄弟 為兄弟之子及兄弟之女在室者

即姪男
及姪女

為姑及姊妹在室者雖適人而無夫與子者同 妾為

嫡妻 嫁母出母為其子 女在室及雖適人而無夫

與子者為其兄弟及兄弟之子姊妹及姪女在室者同

繼母改嫁為前夫之子從已者 為繼父同居兩無

大功之親者

謂繼父無子孫伯叔兄弟已身亦無伯叔兄弟之類

婦人為夫親

兄弟之子

婦人為夫親兄弟之女在室者

女出嫁

為父母

妻為其父母

為人後者為其父母

即本生父母

女適人為兄弟之為父後者

祖為嫡孫

父母為長

子婦

齊衰五月

為曾祖父母女雖適人不降

齊衰三月

為高祖父母女雖適人不降 為繼父先曾同居今不同居者 為繼父雖同居而兩有大功以上親者

大功

為同堂兄弟及姊妹在室者 為姑及姊妹及兄弟之女出嫁者 父母為衆子婦 為女之出嫁者 祖為

衆孫女在室同 為兄弟之子之婦 即姪婦 婦人為夫

之祖父母 即夫之公婆 婦人為夫之伯叔父母 即夫之伯母叔母

叔婦 婦人為夫之兄弟之子婦 即姪婦 婦人為夫兄

弟之女嫁人者 女出嫁為本宗伯叔父母 即伯母叔母

婦 女出嫁為本宗兄弟及兄弟之子 女出嫁為本

宗姑及姊妹及兄弟之女在室者 為人後者為其兄

弟及姑姊妹在室者 夫為人後者其妻為夫本生父

母 為兄弟之子為人後者

小功

為伯叔祖父母

謂祖之兄弟即伯公伯婆叔公叔婆

為同堂伯叔父母

謂父之伯叔兄弟

為再從兄弟及再從姊妹在室者

謂同曾祖兄弟

及父伯叔兄弟之子女

為同堂兄弟之子

即堂姪

為從祖祖姑

在室者

謂祖之親姊妹即姑婆

為從祖姑在室者

即堂姑是父之同堂伯叔

姊妹

為同堂兄弟之女在室者

即堂姪女

為兄弟之妻

為人後者為其姑姊妹適人者

為嫡孫婦

為同堂

姊妹之嫁者

為孫女適人者

為兄弟之孫及兄弟

之孫女在室者

即姪孫

為外祖父母

即外公外婆

為母之

兄弟姊妹

即舅舅姨姨

為同母異父之兄弟姊妹 為姊

妹之子

即甥

為夫之姑及夫之姊妹在室出嫁同 為

夫之兄弟及夫兄弟之妻 為夫兄弟之孫及夫兄弟

之孫女在室者 母出為繼母之父母兄弟姊妹 為

夫同堂兄弟之子及夫同堂兄弟之女在室者 庶子

為嫡母之父母兄弟姊妹母死則不服

總麻

為族曾祖父母

謂曾祖之兄弟及妻即太伯公伯婆叔公叔婆

為族伯叔祖

父母

謂祖之同堂兄弟及妻即堂伯公伯婆叔公叔婆

為族父母

謂父之再从兄弟同

曾祖者即族伯伯姆叔叔嬭嬭

為族兄弟及族姊妹在室者

謂三從兄

弟姊妹同高祖者

為族曾祖姑在室者

謂曾祖之姊妹即太姑婆

為族

祖姑在室者

即祖之同堂姊妹即堂姑婆

為族姑在室者

謂父之再从姊妹

族姊妹即姑

為兄弟之曾孫女在室同

即曾姪孫

為曾孫玄孫

為同堂兄弟之孫女在室同出嫁則無服 為再從

兄弟之子女在室同

即同曾祖兄弟之子

為從祖祖姑及從祖

姑及從祖姊妹之出嫁者

從祖祖姑謂祖之親姊妹從祖姑父之同堂姊妹從祖姊

妹已身再從姊妹

為兄弟之孫女出嫁者 為同堂兄弟之

女出嫁者

堂姪女

為乳母 為舅之子 為姑之子

為兩姨兄弟 為外孫男女同 為妻之父母妻亡而

別娶亦同妻之親母雖嫁出猶服 為婿 為兄弟孫

之婦 為同堂兄弟子之婦 為同堂兄弟之妻 為

外孫婦 為甥婦 婦人為夫之曾祖高祖父母 為

夫之從祖祖父母

即夫之祖親兄弟伯公伯婆叔公叔婆

為夫之從祖

父母

夫之堂伯叔

為夫兄弟之曾孫 為夫之同堂兄弟

為夫之同堂兄弟之孫孫女同 為夫再從兄弟之

子 為夫兄弟孫之婦 為夫同堂兄弟子之婦 為

夫同堂兄弟之妻 為夫同堂姊妹在室出嫁同 為

夫之外祖父母 為夫之舅及夫之姨 為夫之從祖

祖姑及從祖姑在室者

從祖祖姑是夫之姑婆從祖姑是夫之堂姑

女出

嫁為本宗從祖祖父母

即伯公伯婆叔公叔婆

女出嫁為本宗

從祖父母

即堂伯堂叔

女出嫁為本宗同堂兄弟之子女

國家治厯明時以賜百官頒行天下屬欽天監官推算而事隸於祠部每歲十月朔欽天監奏進明年厯式頒行各布政司刊布例以九月朔進呈頒賜嘉靖十九年改用十月朔

洪武二十六年定進頒厯日儀

前期一日尚寶設御座于奉天殿

今為皇極殿

教坊司設中

和樂於殿內其日陳設如常儀儀禮司設御厯案於殿中設厯案於丹陛中道設百官厯案於丹陛下鼓初嚴

引禮引文武官進厯官入詣侍立位鼓三嚴執事文武

官詣華蓋殿

今為中極殿

行五拜三叩頭禮畢傳制受厯侍

從等官各就位皇帝服皮弁服出樂作陞座捲簾樂止
鳴鞭訖引禮引進厯官就位贊禮唱鞠躬樂作贊四拜
平身樂止典儀唱進厯引禮引進厯官由東階陞詣丹
陛案前贊跪搢笏取厯由殿東門靠東入至殿中內贊
唱跪外贊唱衆官皆跪唱進厯監官以厯進於案內贊
唱出笏俯伏興外贊亦唱俯伏興平身內贊唱復位引

禮引進厯官由百官門出樂作引至拜位樂止贊禮唱
鞠躬樂作四拜平身樂止進厯官退執事舉百官厯案
於丹墀中道鳴贊唱排班班齊鞠躬樂作贊四拜平身
樂止傳制官詣御前跪奏傳制俯伏興由殿東門靠東
出至丹陛東西向立稱有制贊禮唱跪衆官皆跪宣制
曰欽天監進某年大統厯其賜百官頒行天下贊禮唱
俯伏興樂作贊四拜平身唱頒厯頒厯官取厯散於百
官散畢駕興百官以次出

即堂姪女

女出嫁為本宗從祖祖姑及從祖姑在室者

從祖祖姑即姑婆
從祖姑即堂姑

女出嫁為本宗同堂姊妹之出嫁

者 為人後者為本生外祖父母 古禮有三殤年十

九至十六為長殤十五至十二為中殤十一至八歲為
下殤長殤中殤降正服一等下殤降長殤中殤一等即
生三歲至七歲者為無服之殤其已娶已嫁則服之如
成人具較大明令今省

歷日

東宮進厯儀

欽天監官捧厯於左順門候奉天殿禮畢由文華殿左門入於殿東門外西向立候陞座鴻臚官贊四拜導引欽天監正官陞至文華殿外搢笏捧厯由東門入至殿中贊跪贊進厯監正官啟欽天監進某年大統厯啟訖置於案出笏俯伏興仍導引出至拜位贊四拜興退立侍班候百官排班行禮畢嘉靖十八年後俱欽天監官捧至文華殿左門司禮監官捧進不行禮

凡頒行厯日

洪武十三年令諸王及在京文武百官直隸府州俱欽
天監印造頒給十三布政司則欽天監預以厯日及印
分授之使刊印以授府縣頒之民間 嘉靖七年令各
布政司查照遞年解京厯數量將四分之二解赴禮部
內將一分送各衙門分散官吏一分發順天府散各衛
分散軍民其所減二分盡發各府州縣頒給小民

祥異

祖宗克謹天戒後祥瑞而先災異洪武元年勅天下有司凡遇災異具實奏聞二年令災異即奏無論大小四年又令天下勿奏祥瑞二十六年遂著為令凡各處獻來祥瑞禮部准其事收下如有非時災異即時奏聞若遇日月交蝕預行諸司救護

洪武二十六年定日食救護儀

前期結綵於禮部儀門及正堂設香案于露臺上向日設金鼓于儀門內兩傍設樂人于露臺上下俱向日立

至期欽天監官報日初食百官具朝服典儀唱班齊贊
禮唱鞠躬樂作四拜興平身樂止跪執事捧鼓詣班首
前班首擊鼓三聲衆鼓齊鳴候欽天監官報復圓贊禮
唱鞠躬樂作四拜平身樂止禮畢月食儀同前但百官
青衣角帶于中軍都督府救護

凡日月食

洪武六年奏定若遇雨雪翳則免行禮 永樂十一年
正旦日食罷朝賀燕會禮 隆慶六年大喪方成服遇

日食百官先行哭禮後赴禮部青素衣黑角帶向日行四拜禮不用鼓樂 萬厯四年題准月食救護遇日出之刻即止不待復圓

凡祈禱雨雪及晴

禮部題請行順天府率所屬人員於都城隍等廟行香禁屠宰三日百官就各衙門致齋青衣角帶辦事凡各處雨澤有無乾溢霑足俱要依期備細造冊申報禮部查考 凡一切祥瑞應稱賀者正統四年勅諭止行在

京衙門不必行移各王府在外文武官及土官衙門

凡各處地震山川異常雨暘愆期等項奏到禮部案候
年終類奏通行在京大小衙門及南京禮部并各被災
地方一體脩省或有異常災變不在類奏之例者即行
具題一應祭告寬恤脩省事宜照災輕重議擬上請候
旨施行 凡民間一產三男令有司給米養贍

藝術

洪武二十六年著令凡天文地理醫藥卜筮師巫音樂

等項藝術之人禮部務要備知以憑取用在外行術占卜之人聽於本鄉不許越境興造妖妄等事 凡卜筮

者舊有禁帷瞽目卜筮及陰陽人憑此生理許開卦肆

凡天文生醫生有缺各儘世業代補外仍行天下訪取到日天文生督同欽天監堂上官醫生督同太醫院堂上官各考驗收用 弘治十一年令訪取世業原籍

子弟并山林隱逸之士及致仕退閒等項官吏生儒軍民人等有能精通天文歷數陰陽地理及五星子平遁

甲大定六壬龜卜等術者每府不過一二人試中收用
凡欽天監太醫院各官陞遷俱從禮部衙門考選定
擬職事咨送吏部銓註該監天文生陰陽人該院醫士
醫生俱三年一次大考 凡欽天監官生太醫院官醫
士生冊籍每三年一次各清查造報如有冒增隱漏等
弊將承行官吏及造冊人等叅治該院官醫士生有離
任回籍者俱赴部告明給牒定限如私逃及違限徑行
除籍 凡各府州縣舉到陰陽人堪任正術等官醫士

堪任正科等官者俱從禮部勘明陰陽人劉付欽天監
醫士劉付太醫院仍委司官會同各堂上官考試考中
者咨送吏部銓選不中者發回原籍為民原保官吏治
罪今俱納授不考徑咨銓選

僧道

釋道二教自漢唐以來通於民俗難以盡廢惟嚴行
禁約毋使滋蔓令甲具在最為詳密云

凡僧道給度

洪武五年令給僧道度牒罷兌丁錢僧錄道錄司造周知冊頒行天下寺觀凡與僧道即與對冊其父兄籍貫告度日月如有不同即為偽冒二十六年令各司每三年考試能通經典者申送到部具奏出給度牒

永樂元年令三年一給度牒

宣德元年以僧道行童請給度牒甚多諭禮部先令僧道官取勘禮部同翰林院官禮科給事中及僧道官考試能通經典方准給與

正統十四年令僧道應給度牒者各僧道衙門先行勘
試申送有司審係額內并籍貫明白仍試精通經典方
許申送禮部覆試中式然後具奏請給

景泰六年令僧道務要持行脩潔本戶丁多不係軍匠
鹽竈等籍里老保結呈縣覆實具申府司類呈該部方
許收度仍勘各寺觀原定額數如已數多不與出給

嘉靖十八年奏准僧道照國初額設定數每僧道一名
納銀十兩在內於兩京工部在外於各布政司直隸於

各府上納類解免其赴京其兩京給度在京准二千名
南京一千名三十三年題准各府州縣納解年終造冊
連庫收繳送戶部給與號紙一張咨送禮部填給度牒
三十七年議准每名量減銀四兩

隆慶六年題准禮部印發空頭度牒通行各處召納如
有來京請給者赴戶部納銀五兩發號紙送禮部給牒
僧道禁例

洪武二十年令民年二十以上者不許為僧二十四年

令佛經番譯以定者不許增減辭語道士設醮亦不許
拜奏青詞各遵頒降科儀民有效瑜珈教稱為善友假
張真人名私造符籙者各治以重罪二十七年令榜示
天下寺觀凡歸併大寺設砧基道人一名以主差稅每
大觀道士編成班次每班一年高者率領餘僧道俱不
許奔走於外及交構有司以書冊稱為題疏強求人財
其一二人於崇山深谷修禪及學全真者聽三四人不
許母得私創庵堂若遊方問道必自備路費毋索取於

民所至僧寺必揭周知冊驗實不同者挈送有司僧道有妻妾者許諸人趕逐相容隱者罪之願還俗者聽亦不許收留民間兒童為僧違者并兒童父母皆坐以罪年二十以下願為僧者亦須父母具告有司具奏方許三年後赴京考試通經典者始終度牒不通者杖為民有稱白蓮靈寶火居及僧道不務祖風妄為議論沮令者皆治重罪二十八年奏准天下僧道赴京考試不通經典者黜還俗年六十以上者免試

永樂六年令軍民子弟僮奴自削髮為僧者并其父母
送京師發五臺山做工畢日就北京為民種田及盧龍
牧馬寺主僧擅容留者亦發北京為民種田十年諭禮
部天下僧道多不守戒律民間脩齋誦經動輒較利厚
薄又無誠心甚至飲酒食肉遊蕩荒淫略無顧忌又有
無知愚民妄稱道人一槩蠱惑男女雜處無別敗壞風
化洪武中僧道不務祖風及俗人行瑜珈法稱火居道
士者俱有嚴禁即揭榜申明違者殺無赦十六年定天

下僧道府不過四十人州不過三十人縣不過二十人
限年十四以上二十以下父母皆允方許陳告有司行
鄰里勘保無礙然後得投寺觀從師受業五年後諸經
習熟然後赴僧道錄司考試果諳經典始立法名給與
度牒不通者罷還為民若童子與父母不願及有祖父
母父母無他子孫侍養者皆不許有年三四十以上先
曾出家而還俗及亡命黥刺亦不許寺觀住持容留違
者治之

宣德八年令天下有司關津但遇削髮之人捕送原籍治罪如律十年禁僧道私自簪剃及妄言惑衆者

正統六年令僧道多有壞亂心術不務祖風混同世俗傷壞風化都察院即遵洪武舊例出榜禁約違者罪之天順八年令各處僧人年二十以上無度牒者即便還俗有隱瞞年歲者并其師治罪

成化二十三年令僧道有父兄見存無人侍養者不問有無度牒令還俗養親

嘉靖八年奏准凡官戚施捨寺觀不許容令婦女出入及多蓄行童若有私自簪剃并犯姦者各照律例問擬

清理寺觀

洪武二十四年令清理釋道二教凡各府州縣寺觀但存寬大可容衆者一所併居之不許雜處於外違者治以重罪親故相隱者流願還俗者聽又令天下僧道有創立庵堂寺觀非舊額者悉毀之三十五年令清理釋道二教凡歷代以來及洪武十五年以前寺觀有名額

者不必歸併新剏者歸併如舊

永樂十五年禁僧尼私剏庵院

正統六年令新剏寺觀曾有賜額者聽其居住今後再不許私自剏建

成化十三年禁約遊方僧人凡僧道住持剏建寺觀許二人勅賜并在外寺觀各止許一人

正德十六年奏准今後再有私剏庵院寺觀私度僧道尼姑女冠者挈問治罪寺觀拆毀入官

嘉靖六年奏准尼僧道姑發還原籍出嫁其庵寺房屋
土地盡數入官十四年太興隆寺燬令永不許復併大
慈恩寺一應修齋俱革僧徒聽告就各寺依住有歸化
者量給原寺田畝仍免差徭六年十六年題准各該有
司欽遵聖諭化正僧徒願自還俗者聽其自求安便各
處寺院年久宮殿任其頽壞不許修葺民間幼童不許
捨入為僧私自披剃如有此等罪其父母及其鄰佑二
十二年令毀大慈恩寺

萬厯元年令五城御史查各寺觀庵院有遊食僧道驅令回籍仍比照居民保甲法置立油牌開寫年貌籍貫以便稽查其有私自簪剃及不穿戴本等冠服者訪拏治罪

禁止戒壇

嘉靖四十五年令在外行撫按衙門督率有司各查本居僧寺若干僧徒若干明白登簿不時查點不到者罪坐住持立限投銷一切寄住遊僧發回原籍當差在京

殿衛衙門及五城御史將京城內外地方大小僧寺嚴加巡緝有指稱受戒姦淫不法者訪拏重治

萬厯元年詔禁革萬壽廣善二壇僧人戒法

保舉僧道

洪武二十六年令各布政司并直隸府州縣申呈開設僧道衙門保舉到僧人劉付僧錄司道士劉付道錄司考試如果中式就申吏部施行

僧道罪犯

弘治七年令僧道尼姑女冠有犯姦淫者就於本寺門
首枷號一箇月滿日發落十三年奏准僧道官僧人道
士有犯挾妓飲酒者俱發原籍為民若姦拜認義父母
親屬俱發邊衛充軍 凡僧道額外擅收徒弟者問發
口外為民 還俗僧道官知而不舉者罷職 凡漢人
出家習學番教不論曾否闕給度牒俱問發原籍各該
軍衛有司當差若漢人冒作番人發邊衛充軍

尼姑女冠

洪武六年令民家女子年未及四十者不許為尼姑女冠

真人名號

洪武中革前代所稱天師止稱正一真人

隆慶二年題准革正一真人名號勒令繳納真人府印止許承襲上清觀提點

萬曆五年仍准復真人名號

道士差遣

長四名協同俳長辦事色長十二名及抄案執燈色
長等亦以次遞補

隆慶六年以東宮出閣添協同官五員俳長四名

凡聖節冬至正旦行朝賀禮上徽號進實錄用封頒詔
進春進歷遣祭郊祀聽受警戒進士傳臚及進士上表
俱用中和韶樂兼用堂下樂中和韶樂設於奉先殿內
先一日於御前奏知如再用即奏云安定不動計用舉
麾奉鑾一員侍班韶舞一員看節次色長二人歌工十

二人樂工七十二人 凡朔望并歲首半月太常寺奏

祭祀陞殿俱用堂下樂 凡大祀天地享太廟祭社稷

神祇耕藉田幸太學導駕俱用堂下樂堂下樂設於奉

天門北簷下計用領樂韶舞等官三員俳長二人色長

十二人歌工十二人樂工一百三人 凡大祀慶成聖

節冬至正旦大宴俱用丹陛樂侑食樂丹陛樂設於奏

先殿前丹陛上計用領樂俳長二人色長二人歌工十

二人樂工一百八人侑食樂設於奉先殿內計用唱盞

奏樂奉鑾等官五員領樂色長四人歌工四人樂工三十一人 凡禮部進表箋及迎詔俱用大樂大樂提調色長一人 凡大祀天地導駕回園丘出南天門方澤出北天門錦衣衛官奏起輦色長一人唱作樂奉鑾一員唱樂奏神歡之曲樂作導至奉天門樂止駕至奉天門堂下樂作駕至奉天殿樂止上易服鴻臚寺官奉請陞殿色長唱作樂奉鑾舉麾唱樂奏聖安之曲中和韶樂作上陞座樂止鳴鞭致詞俟贊禮堂下樂作禮畢樂

萬厯四年題准道士差往各陵寢祭告者止穿本等服
衣不許假稱太常寺官擅乘轎輿及香帛木匣之外多
用人夫致擾驛遞

教坊司承應樂舞

朝會宴享等禮各有承應樂舞以教坊隸祠司故具
列焉而樂戶禁例附

教坊司額設奉鑾一員左右韶舞二員左右司樂二
員共五員遇缺以次遞補又有協同官十員實授俳

止贊禮畢奉饗舉麾唱樂奏安定之曲中和韶樂作駕
興還至華蓋殿樂止計用頌樂官五員俳長四人協同
俳長辨事色長十二人各色色長八十四人樂工十八
撥第一撥一百八人第二撥至十八撥每撥不等大約
二三十人歌工每撥十二人 凡太廟時享導駕回上
祭畢至廟街門內陞輦錦衣衛官奏起輦俳長唱作樂
官一員奏敬祖宗之曲導至午門裏樂止計用頌樂官
五員俳長十人各色色長四十人樂工四撥每撥一百

八人歌工十二人 凡祭社稷導駕回上祭畢至社稷

門內陞輅錦衣衛官奏起輅俳長四人各色色長十六人樂工二撥每撥一百人歌工十二人 凡祭山川導

駕回上祭畢陞輦錦衣衛官奏起輦色長唱作樂官一

員奏樂奏神歡之曲導至奉天門樂止計用樂工十人撥樂章樂器并用人數與郊祀回同 凡幸太學導駕

回上幸太學禮畢陞輦錦衣衛官奏起輦色長唱作樂

官一員跪奏樂奏神歡之曲導至奉天門樂止上陞座

樂作坐定樂止百官行禮樂作禮畢樂止駕還宮樂作
至奉天殿樂止計用樂工八撥樂章樂器并用人數與
郊祀回同 凡耕耤田導駕回祭先農畢至耤田所戶
部尚書捧鞭跪進本司官引裝扮裏行十八人內村田
樂老人四人禾侏十四人各念禾詞外行七十二人各
作樂器攏掇隨駕行三推禮畢駕至儀門

嘉靖十年後
御觀耕臺

陞座樂止觀三公九卿耕訖本司承應用大樂攏掇百
戲院本探子觔斗隊舞畢

嘉靖十年更定攏掇
百戲俱於宴時承應

本司官

跪贊致語駕至殿內陞座進湯進膳俱用樂順天府官
并耆老人等行禮謝恩樂作禮畢樂止次百官行禮樂
作禮畢樂止賜百官酒飲復入班行禮樂作禮畢樂止
尚膳官進膳樂作進訖樂止百官入席本司官奏一奏
進太初之曲進酒樂作進訖樂止進膳樂作進訖樂止
本司官跪奏進湯樂作徹湯樂止二奏仰大明之曲進
酒進膳進湯樂作進訖樂止皆如前三奏民初生之曲
進酒進膳進湯樂作進訖樂止復皆如前徹御案畢樂

止百官行禮樂作禮畢樂止鴻臚寺官奏禮畢駕起陞
輦仍用十八撥樂工歌工前導起輦色長唱作樂本司
官跪奏樂奏神歡之曲導至午門前樂止 凡大宴駕
出至奉天門色長唱作樂丹陛樂作駕陞奏天殿樂作
鴻臚寺贊百官四拜禮畢樂止光祿寺進御筵樂作內
官設案訖樂止進花進膳樂作進訖樂止奉鑾奏一奏
上萬壽之曲侑食樂作斟酒贊跪本司官贊進酒樂止
各官就坐奏樂奏平定天下之舞引舞樂工二人舞人

樂工三十二人舞畢奏二奏仰天恩之曲侑食樂作奏
進酒樂止殿外導湯樂作領樂俳長一人色長四人攏
節樂工二十四人殿內迎湯樂作領樂色長二人歌工
四人湯至奏進湯樂作贊饌成徹湯樂止奏黃童白叟
鼓腹謳歌承應舞念禾詞俳長一人歌工四人樂工十
五人白叟六人黃童八人舞畢奏樂奏撫安四夷之舞
引舞樂工二人歌工四人樂工十七人高麗舞琉球舞
北番舞回回舞各四人舞畢奏三奏感帝德之曲

今欽
定感

吳德
之曲

侑食樂作奏進酒樂止奏樂奏車書會同之曲侑
食樂作奏進酒樂止導湯樂作迎湯樂作如前奏進湯
樂作贊饌成徹湯樂止奏樂奏表正萬邦之舞引舞樂
工二人舞人樂工六十四人舞畢五奏感皇恩之曲侑
食樂作奏進酒樂止導湯樂作迎湯樂作如前奏進膳
樂作徹湯膳并御筵樂止奏樂奏天命有德之舞引舞
二人舞人樂工六十四人舞畢奏纓鞭得勝蠻夷隊舞
人樂工一百四人承應內獅子舞五五人舞畢官二人

更迭致語萬民安樂天下太平高呼萬歲再動樂聲樂
作樂止百官四拜禮畢 凡進士傳臚上將陞殿色長
唱作樂官一員舉麾奏樂奏聖安之曲中和韶樂作上
陞座樂止舉人行禮堂下樂作禮畢樂止傳制黃榜案
起樂作至丹墀置定樂止傳臚舉人行禮樂作禮畢樂
止案起樂作案至奏天門外樂止大樂迎黃榜出鴻臚
寺官致詞百官行賀禮樂作禮畢樂止本司官舉麾奏
樂奏安定之曲中和韶樂作駕還宮至華蓋殿樂止

凡進士上表謝恩上將陞殿色長唱作樂官一員舉麾
奏樂奏聖安之曲中和韶樂作上陞座樂止鴻臚寺官
贊百官行常朝禮樂作禮畢樂止諸進士行禮樂作禮
畢樂止進表表案起堂上樂作安置定樂止宣表畢進
士行禮俯伏樂作禮畢樂止進士行四拜禮樂作禮畢
樂止本司官舉麾奏樂奏安定之曲中和韶樂作駕還
宮至華蓋殿樂止 凡慶賀東宮千秋節并朔望朝叅
領樂官五員排長二人歌工四人樂工四十人 凡東

宮冠禮畢宴用七奏樂領樂官四員排長二人色長四人歌章拍板樂工四人樂工十人 凡慶賀皇太后聖節女樂奉鑾等官妻五人提調女樂四人歌章二十四人奏樂一百一十五人 凡慶賀中宮女樂同 凡每日常朝樂工二十八人於午門外御道兩旁侍立 凡諸王公主婚嫁本司用大樂前導 凡進實錄并纂脩書籍成賜宴禮部俱本司承應 凡進士傳臚後例於禮部設宴武舉開榜後例於兵部開宴俱本司承應

凡四夷人朝貢到京例於會同館設宴本司承應 凡
供應樂器遇有毀壞本司申禮部題請咨工部造辦其
絃線等料南京教坊司三年一解南京禮部咨禮部驗
給 凡御樂庫看庫人役三年一次僉補每年六月六
日曬晾在庫袍服

樂戶禁例

本司官俳色長諳曉某藝於某年月日補充某役俱造
文用備照如遇官俳色長有缺皆以次選補但係為事

革役間住者再不得補充其本司老疾不堪承應之人放回原籍為民一體當差

洪武永樂間令各衙門人指稱本司樂戶寄附贓物法司不得追取

景泰七年議准凡良家女子本司不許買作倡優犯者問擬如律子女發回寧家仍查原係民戶今為樂戶許令改正其樂戶內有願從良者聽其自首與民一體當差


弘治九年議准樂戶家不許容留盜賊及不知來歷之
人事發官俳色長俱治罪又令私買私賣良家子女及
媒合人等俱於三院門首枷號一個月滿日照依律例
發落該管色長并鄰佑人等不首告者與同罪官俳查
提從重問擬

南京及各
王府同

十三年奏准教坊司官俳精選

樂工演習聽用若樂工投托勢要挾制官俳及抗拒不
服拘喚者聽申禮部送問就於本司門首枷號一個月
發落若官俳徇情聽囑放富差貧縱容逃躲者叅究治

罪革去職役



禮部志稿卷三十四

欽定四庫全書

史部

禮部志稿卷三十五

六

詳校官監察御史臣龔驤文

編修臣程嘉謨覆勘

總校官知縣臣

楊懋珩

校對官中書臣

吳俊

謄錄監生臣

宋大樽

欽定四庫全書

禮部志稿卷三十五

明 俞汝楫 編

主客司職掌

朝貢

國初諸番國及四夷土官朝貢具載職掌其後募化者衆事例日增土官衙門添設別見兵部而事關朝貢者附此

東南夷

見祖訓及職掌凡二十國祖訓例不征諸夷朝鮮
日本大小琉球安南真臘暹羅占城蘇門答刺西
洋瓜哇彭亨百花三佛齊淳泥凡十五國職掌所
載又有瑣里西洋瑣里覽邦淡巴須文達那諸國
與祖訓稍有不同

洪武初分遣使臣奉詔往諭諸番以平定四海之
意多隨使來朝貢者八年諭安南高麗占城等國

每三年一朝貢國王嗣立則世見永樂中數有事於西洋遣中使以舟師三萬齎金帛諭賜之隨使朝貢者十有六

朝鮮國

祖訓朝鮮國即高麗其李仁人及子李成桂今名旦者自洪武六年至洪武二十八年首尾凡弒王氏四王姑待之

按高麗併有扶輿新羅百濟其國分八道洪武二年國

王王顥遣使奉表賀即位請封貢物詔封為高麗國王
賜龜紐金印詔命五年以高麗貢使煩數諭令三歲或
歲一來二十五年李成桂代王氏請更其國號詔更號
朝鮮永樂初賜印誥自後每歲聖節正旦嘉靖十年外
夷朝正旦者俱改冬至皇太子千秋節皆遣使奉表朝
賀貢方物其餘慶慰謝恩無常期若朝廷有大事則遣
使頒詔於其國國王請封亦遣使行禮其歲時朝貢視
諸國最為恭慎嘉靖二十六年特許其使臣同書狀官

及從人二三名於郊壇及國子監遊觀禮部劄委通事
一員伴行撥館夫防護以示優異云 貢道由鴨綠江
歷遼陽廣寧入山海關達京師又中國漂流人口至本
國者量給衣糧送回 先是永樂元年其國王具奏世
系不係李仁人之後以辨明祖訓所載弑逆事詔許改
正正德嘉靖中屢以為請皆賜勅獎諭焉萬厯三年使
臣復申前請詔付史館編輯今錄於後李成桂系出本
國全州遠祖翰仕新羅為司空六代孫兢休入高麗十

三代孫安社生行里行里生椿椿生子春是為成桂之
父李仁人者京山府吏長庚裔也始王氏恭愍王顥無
子養寵臣辛旽子禍為子恭愍王為嬖臣洪倫等所弑
仁人當國誅倫等立禍禍嗣位十六年遣將入犯遼東
成桂為副將在遣中至鴨綠江與諸將合謀回兵禍懼
傳位於其子昌時恭愍妃安氏以國人黜昌立王氏孫
定昌君瑤誅禍逐仁人已而瑤妄殺戮國人不附共推
成桂署國事表聞高皇帝命為國王遂更名旦贍瑤別

十年後時入寇掠自是朝貢未有至者

貢物 馬 盔 鎧 劍 腰刀 鎗 塗金裝綵

屏風 灑金厨子 灑金文臺 灑金手箱 描金

粉匣 描金筆匣 抹金銅提鉞 灑金木鉞角盥

貼金扇 瑪瑙 水晶數珠 硫黃 蘇木 牛

皮

琉球國

祖訓大琉球國朝貢不時王子及陪臣之子皆入太

署終其身

貢物 金銀器皿 螺鈿梳函 白綿紬各色苧布

龍文簾席各色細花席 豹皮 獺皮 人參

黃毛筆 白綿紙 種馬每三年五十匹近有加貢

不在種馬之數

日本國

祖訓日本國雖朝實詐暗通奸臣胡惟庸謀為不軌
故絕之

按日本古倭奴國世以王為姓其國有五畿七道及屬國百餘時寇海上洪武五年始令浙江福建造海舟防倭七年其國王良懷遣僧朝貢以無表文却之其臣亦遣僧貢馬及茶布刀扇等物以其私貢却之又以頻年為寇令中書省移詰責自後屢却其貢并安置所遣僧於川陝番寺十四年從其請遣還十六年築登萊至浙並海五十九城二十年築福建並海十六城各置衛所永樂初復來朝貢賜龜紐金印誥命封為日本國王名

其國鎮山曰壽安鎮國之山御製碑文賜之給勘合百
道始令十年一貢貢道繇浙江寧波府每貢正副使等
毋過二百人若貢非期人船逾數夾帶刀鎗並以寇論
宣德初遣貢不如約諭使臣自今貢毋過三船人毋過
三百刀劒毋過三十嘉靖六年奏準凡貢非期及人過
百船過三多挾兵器皆阻回二十九年定日本貢船每
船水夫七十名三船共計水夫二百一十名正副使二
員居坐六員土官五員從僧七員從商不過六十人三

學讀書禮待甚厚小琉球國不通往來不曾朝貢

按琉球國有三王洪武初中山王察度山南王承察度
山北王帕尼芝皆遣使奉表箋貢馬及方物十六年各
賜鍍金銀印二十五年中山王遣子姪入國學以其國
往來朝貢賜閩人三十六姓善操舟者永樂以來國王
嗣立皆請命冊封後惟中山王至中山世稱尚氏諭定
二年一貢每船百人多不過百五十人貢道由福建閩

縣

貢物 馬 刀 金銀酒海 金銀粉匣 瑪瑙
象牙 螺殼 海巴 擢子扇 泥金扇 生紅銅
錫 生熟夏布 牛皮 降香 木香 速香
檀香 黃熟香 丁香 蘇木 烏木 胡椒 硫
黃 磨刀石 右象牙等物進收硫黃蘇木胡椒運
送南京該庫馬就于福建發缺馬羸站走遞磨刀石
發福建官庫收貯

安南國

祖訓安南國三年一貢

按安南國古交趾地洪武二年其國王陳日燿遣使朝貢請封詔封為安南國王賜鍍金銀印誥命未至而日燿卒以封其弟日焜後其臣陳叔明專黎季犛位俱降詔詰責季犛詭言陳氏無後請署國事已而日燿弟天平來訴季犛又詭迎天平還國伏兵殺之永樂四年發兵討平殄季犛父子郡縣其地尋有季擴之亂甫定而黎利復叛宣德間遣使謝罪請命因宥而封之嗣後

朝貢如常別有進中官東宮方物其餘慶慰謝恩無常
期朝廷有大事則遣使頒詔於其國國王請封亦遣使
行禮嘉靖十九年其臣莫登庸篡立發兵討之明年登
庸降詔革王封止授都統使其所轄海陽等十三路各
改設安撫司每司設安撫一員同知一員聽自行陞黜
遇朝貢之年以陞黜過官員總數奏聞後登庸子莫福
海嗣朝貢不常萬歷四年都統使莫茂治遣使慶賀并
補貢二次九年復來貢亦補二次貢道由廣西憑祥州

貢物 金銀器皿 犀角 象牙 白絹 薰衣香
降真香 沈香 速香 木香 黑線香 紙扇

真臘國

真臘本扶南屬國其國濱海後并有扶南洪武四年其
國巴山王忽兒那遣使貢方物賀正旦六年復來貢貢
道由廣東後朝貢不常

貢物 象 象牙 犀角 孔雀翎 寶石 土降
香 蘇木 烏木 黃花木 胡椒 黃蠟

暹羅國

國濱海本暹與羅斛二國後併為一洪武四年其國王
參烈照毘牙遣使奉金葉表來朝貢方物賀正旦六年
參烈寶毘牙復遣貢并獻其國地圖十年遣人齎詔及
印往賜之十六年給文冊永樂元年遣使乞量衡為國
中式自後定三年一朝貢貢道由廣東萬歷七年遣使
具金葉表文入貢

貢物 象 象牙 犀角 孔雀尾 翠毛 龜筒

六足龜 寶石 珊瑚 金戒指 片腦 米腦

糠腦 腦油 臘柴 檀香 速香 安息香

黃熟香 降真香 羅斛香 乳香 樹香 木香

烏香 丁香 薔薇水 碗石 丁皮 阿魏

紫梗 藤竭 藤黃 硫黃 沒藥 烏爹泥 肉

荳蔻 胡椒 白荳蔻 華菱 蘇木 烏木 大

楓子 苾布 油紅布 白纏頭布 紅撒哈刺

紅地紋節智布 紅杜花頭布 紅邊白暗花布

乍蓮花布 烏邊蔥白暗花布 細棋子花布

織人象花文打布 西洋布 織花紅絲打布 織

雜綠打布 紅花絲手布 剪絨絲雜色紅花被面

織人象雜色紅花文絲縵

占城國

祖訓自占城以下蘇門答刺西門爪哇彭亨百花三
佛齊淳泥諸國來朝時內帶行商多行譎詐故沮之
自洪武八年沮至洪武十二年方乃得止焉

按占城國濱海即古越裳林邑洪武二年其國王阿峇
阿者遣使朝貢詔封為占城國王賜鍍金銀印四年遣
使奉金葉表文朝貢十六年復遣子來賀聖節乃齎與
勘合文冊二十四年復來朝貢以其臣弒立命絕之永
樂後其國與諸國皆來朝貢始定三年一貢貢道由廣
東正統後其國襲封遣使行禮

貢物 象 象牙 犀 犀角 孔雀 孔雀尾

橘皮抹身香 薰衣香 奇南香 金銀香 土降

香 燒碎香 檀香 柏香 花藤香 龍腦 烏
木 蘇木 花梨木 蕪蔓番沙 紅印花布 油
紅綿布 白綿布 烏綿布 圖壁花布 花紅邊
縵 番花手巾 雜色縵 番花手帕 兜羅錦被
洗布白泥

爪哇國

國濱海即古閩婆有東西二王洪武五年其國王昔里
八達刺八刺蒲遣使奉金葉表貢方物并納元所授宣

勅十四年來貢如初有黑奴三百人後絕其貢永樂二年其國東王李令達哈遣使朝貢請印賜鍍金銀印五年西王都馬板滅東王遣使謝罪正統八年令三年一貢後朝貢無常期

貢物 火雞 鸚鵡 孔雀 孔雀尾 翠毛 鶴

頂 犀角 象牙 玳瑁 龜筒 寶石 珍珠

薔薇露 奇南香 檀香 麻藤香 速香 降香

木香 乳香 黃熟香 安息香 烏香 龍腦

丁皮 沒藥 肉苳蔻 白苳蔻 藤竭 血竭 蘆薈

阿魏 大楓子 番木鱉子 華澄茄 華芡

悶蟲藥 黃蠟 番紅土 烏爹泥 金剛子 碗

石錫 西洋鐵 摺鐵刀鐵鎗 苾布 油紅布

蘇木 烏木 胡椒

彭亨國

國濱海洪武十一年其王麻哈刺惹荅饒遣使奉金葉表貢番奴及方物永樂十二年復遣使朝貢

貢物 金水罐 象牙 乳香 速香 檀香 片

腦 胡椒

百花國

國居海中洪武十一年其王刺丁刺者望沙遣使奉金

葉表朝貢

貢物 白鹿 紅猴 龜筒 玳瑁 孔雀 鸚鵡

倒掛鳥 胡椒 香蠟

三佛齊國

國居海中即舊港本南蠻別種有地十五州洪武初其
國王怛麻沙那阿者稱臣入貢四年遣使奉金字表朝
賀六年遣賀正旦貢方物八年復遣使從招諭拂菻國
十年其子麻那者巫里嗣立奉表請封遣人齎駝紐鍍
金銀印賜之

貢物 火雞 五色鸚鵡 孔雀 龜筒 黑熊

白獺 諸香 朱腦 苾布 兜羅錦被 胡椒

肉荳蔻 香油子

淳泥國

國居海中本屬閩婆有地十四州洪武四年其國王馬合謨沙遣使以金表銀箋貢方物永樂三年遣使往封麻那惹加那乃為王給印誥勅符勘合六年王率其妃及家屬陪臣來朝至福建遣中官往燕勞之令所過諸郡設宴至京王奉金字表獻珍物妃箋獻中宮東宮上御奉天門賜王宴是年王卒於會同館輟朝三日祭賻甚厚詔謚恭順賜葬南京城外石子岡以西南夷人隸

籍中國者守之樹碑立祠命有司春秋致祭封其子遐
旺嗣遣中官及行人護送歸國復從其請封其國後山
為長寧鎮國之山御製碑文賜之十二年及洪武熙元
年俱來朝貢

貢物

單目用銀

五色鸚鵡

倒掛鳥

孔雀

鶴頂

犀角

熊皮

生玳瑁

龜筒

寶石

珍珠

金戒指

金條環

金銀八寶器

梅花龍腦

米

腦
糠腦

降香

沈速香

檀香

丁香

肉苳

菴 黃蠟 螺殼 西洋白布 黑小廝

須文達那國

洪武十六年其國王殊旦麻勒兀達盼遣使奉金葉表
來貢

貢物 馬幼苾布 隔著布 八的方布 花滿直
地番綿紬 直地兜羅錦 撒刺八幼賴隔著 撒
哈刺 薔薇水 降香 沈速香

蘇門答刺國

國濱海永樂三年其酋長宰奴里阿必丁遣使朝貢誥封為國王給印誥五年至宣德六年屢遣使來貢表用金葉十年復請封其子為王或曰即須文達那國

貢物 馬 犀牛 龍涎 寶石 瑪瑙 水晶

石青 回回青 錫 硫黃 番刀弓

梭眼 木香 丁香 降真香 沈速香 胡椒

蘇木

西洋瑣里國

國濱海近瑣里視瑣里差大洪武三年其國王別里提遣使奉金葉表貢方物永樂元年復遣使朝貢

貢物 黃黑虎 馬 兜羅綿被漫折的花被 皮
剔布 槁泥布 沙馬打泥布

瑣里國

西海中小國洪武五年其國王卜納的遣使奉金葉表貢方物并圖其地山川以獻

貢物 馬紅八者藍布 紅撒哈刺 覬木里布

紅番布 白苾布 珠子項串

覽邦國

洪武九年國王昔里馬哈刺扎的刺扎遣使奉表來貢
永樂宣德中附隣國貢方物

貢物 馬 孔雀 胡椒 蘇木 檀降香

淡巴國

在西南海中洪武十年國王佛喝思囉遣使奉表朝貢
貢物 苾布 兜羅錦被 沈香 檀香 速香

胡椒

蘇祿國

國在東南海中永樂十五年葛祿東國巴都葛叭荅刺
西國麻哈刺吒葛刺麻丁峒妻叭都葛巴刺卜各率其
屬三百餘人奉金鏤表朝貢各賜印誥封為其國王三
王者東王為尊西峒二王副之東王歸次德州卒賜祭
命有司葬以王禮御製碑文留其妃妾僉從十人守墓
三年還國勅諭其子都麻舍封為東王十九年遣使來

金史卷一百一十五
卷一百一十五
貢

貢物 梅花腦 米腦 竹木 綿花 玳瑁 降
香 蘇木 胡椒 萆薢 黃蠟 番錫

古麻刺國

國在東南海中永樂十八年國王幹刺義亦敦奔率妻
子及陪臣來朝貢方物請封給印誥仍其舊號行至福
州卒詔謚康靖勅葬閩縣令有司歲致祭

古里國

古里大國西洋諸番之會永樂三年其酋長沙來的遣
使朝貢勅封為古里國王給印誥五年七年皆遣朝貢
貢物 寶石 珊瑚珠 琉璃瓶 琉璃碗 寶鐵
刀 拂郎雙刃刀 金繫腰 錫 阿思摸達塗兒
氣 龍涎 蘇合油 乳香 檀香 木香 梔子
花 胡椒 花檀單 伯蘭布 苾布 紅絲花手
巾 番花人馬象物手巾 線結花靠枕
滿刺加國

永樂三年其酋長拜里迷蘇刺遣使奉金葉表朝貢詔封為國王給印誥使者言王慕義願同中國屬郡歲效職貢又請封其國西山詔封為鎮國之山御製碑文賜之九年國王率其妻子及陪臣五百四十餘人朝貢命官往勞上御奉天門宴之十年遣使來貢十二年國王子母幹撒子的兒沙來朝告父卒命嗣封二十二年及宣德九年國王復來正統十年以後屢遣使來貢貢道由廣東天順三年其子嗣王請封遣使行禮

貢物 犀象 象牙 玳瑁 瑪瑙 珠 鶴頂

金母鶴頂 珊瑚樹 珊瑚珠 金鑲戒指 鸚鵡

黑熊 黑猿 白鹿 蘇普 撒哈刺 白苾布

薑黃布 撒都細布 西洋布 花縵 薔薇露

梔子花 烏爹泥 蘇合油 片腦 沈香 乳香

黃連香 金銀香 降真香 紫檀香 丁香 樹

香 木香 沒藥 阿魏 大楓子 烏木 蘇木

番錫 番鹽 黑小廝

婆羅國

永樂四年東王西王各遣使朝貢

貢物 珍珠 玳瑁殼 白焦布 花焦布 降真

香 黃蠟 黑小廝

阿魯國

在西南海中永樂五年其王速魯唐忽先遣使附古里

諸國朝貢

貢物 象牙 熟腦

小葛蘭國

永樂五年遣使附蘇門答刺等國朝貢

貢物 珍珠傘 白棉布 胡椒

榜葛刺國

西天有五印度國榜葛刺即東印度永樂六年國王霽牙思丁來朝貢九年至太倉命行人往宴勞之十二年王蹇弗丁遣使貢麒麟等物正統三年貢同表用金葉

貢物 馬 馬鞍 金銀事件 餞金琉璃器皿 青花

白瓷 撒哈刺 者抹黑荅立布 洗白苾布 甕

羅錦 鶴頂 犀角 翠毛 鶯歌 糖霜 乳香

熟香 烏香 麻膝香 烏爹泥 紫膠 藤竭

烏木 蘇木 胡椒 麝黃

錫蘭山國

永樂九年遣使諭西洋諸國歸經錫蘭山其國王亞烈
苦奈兒發兵絕我歸路使者襲其城生擒國王及家屬
獻于朝命釋之擇立其屬之賢者十年封耶巴乃那為

王正統十年天順三年遣使來貢

貢物 寶石 珊瑚 水晶 金戒指

西洋細布 乳香 木香 樹香 土檀香 沒藥

硫黃 藤竭 蘆薈 烏木 胡椒 碗石 象

沼納撲兒國

國在印度之中即古佛國永樂十八年其國王亦不刺
金數侵榜葛刺國遣使齎諭之

拂菻國

在嘉峪關外萬餘里洪武四年遣其國故民捏古倫齊
詔諭之尋遣使朝貢

柯枝國

永樂二年其國王可亦里遣使朝貢十年遣使來請封
其國之山詔封為鎮國山御製碑文賜之賜印誥與國
王

麻林國

永樂十二年遣使來朝貢麒麟等物

呂宋國

洪武五年與瑣里諸國同貢方物永樂三年遣使朝貢
萬厯四年助討逋賊有功來貢貢道由福建

磔里國 日羅夏治國 合猫里國

俱永樂三年同爪哇國朝貢

古里班卒國 打回國 忽魯謨斯國

又云忽

魯母思

以上俱永樂三年遣使朝貢

甘把里國

又云甘巴里

永樂十二年遣使朝貢

嘉裕爾國

色佛呼國

又云左法兒

溜山國

阿哇國

南巫里國

急蘭丹國

奇刺泥國

夏刺比國

窟祭尼國

烏涉刺踢國

哈

丹國

魯密國

彭加那國

捨刺齊國

八

可意國

坎巴夷替國

哈克達國

又有白葛達宣德七

年至刺撒

不刺哇

木骨都東

喃渤利

千

里達 沙里灣泥

以上俱永樂中遣使朝貢

北狄

北狄韃靼最大自元時遁歸沙漠其餘黨則世稱汗
東烏梁海西哈密北衛喇特衛喇特強數敗韃靼其後烏
梁海哈密皆內附而烏梁海遂分為諾延等三衛衛
喇特酋瑪哈穆特封順寧王韃靼酋阿魯台乞降封和寧
王皆遣使入貢自後叛服不常成化中小王子亦通

貢貢無常期隆慶中諳達封順義王每歲貢馬互市
至今不絕

迺北小王子衛喇特三王

永樂元年韃靼知院阿魯台衛喇特瑪哈穆特各遣人入貢
七年封衛喇特瑪哈穆特順寧王太平賢義王巴圖博囉安
樂王通貢不絕十一年阿魯台乞降奉表稱臣貢駝馬
封和寧王尋各叛去二十年阿魯台弑其汗布尼雅實
哩而自立瑪哈穆特攻破之遂立元裔托克托布哈為汗

居於漠北

宣德元年衛喇特太平子紐勒琿嗣賢義王瑪哈穆特子托歡嗣順寧王二年阿魯台托歡各遣人朝貢三年托歡復貢六年阿魯台遣人自遼東入貢九年托歡擊敗阿魯台走死遣人朝貢且告捷

正統初汗托克托布哈及托歡遣人貢馬六年托克托布哈及其太師額森貢馬額森者托歡子也

景泰元年敖拉知院遣人進馬請和賜勅諭意復遺書

衛喇特汗賜額森勅又遺額森教拉金幣托克托布哈
乃遣必魯瑪哈穆特報貢額森使亦至賜宴于奉天門陞
賞有差三年衛喇特同穆錫來王子遣人貢馬額森既攻
敗托克托布哈獻良馬二疋來告捷命宴其使賜鈔幣額
森請命使往來不許是歲衛喇特使臣太尉徹辰平章哈
濟阿里等二千九百餘人宴禮部額森使每至京三千
餘人出入驕恣貢使未還縱騎輒入塞鹵掠朝廷以通
好故不問其頭目正副使授都督都指揮等官各賞金

犀等帶三千餘人皆有賜織金綵紵至二萬六千四百餘疋絹九萬一百餘疋衣靴帽以萬計及額森自立為汗遣哈濟貢馬及貂鼠銀鼠皮自稱為大元天聖汗朝廷亦稱衛喇特汗以報之是歲額森弟賽音布魯魯王請酋並遣人貢馬額森新立欲與中朝通好貢市往來然賞賜亦以百萬計

天順初額森為哈喇所逐死博囉殺哈喇立小王子為汗其後博囉王子復弑小王子立托斯托斯者小王子

從兄也及博囉哀而大酋摩囉歡阿勒楚爾博勒呼據套相持時遣人貢馬然亦數寇邊

洪化初滿達勒稱汗奇木嘉色稜遣托噶阿古爾等四千人貢馬駝五千許以一千七百人入邊境中亂滿達勒亦哀而後巴圖孟克三太師伊斯瑪音知院托羅該屢遣人貢馬

弘治初巴圖孟克死弟巴延孟克立及其酋長與衛喇特皆貢馬巴延孟克與和碩相攻小王子益哀其自天順

成化以來更立數王然皆稱小王子自是頻年入貢元年貢使六千餘人準放一千五百餘人三年三千五百餘人準放一千五百人四年五千人準放一千七百餘人九年三千人準放一千人十年六千人準放二千人至京者以五百人為率貢道皆由大同入居庸

正德中衛喇特西徙與土魯番相讐殺小王子復強小王子三子長阿爾婁其後為圖們汗次阿珠次摩古津阿爾婁為太師額伯爾所弑二子博恰伊爾們皆幼阿珠稱

小王子未幾死衆立博恰稱伊克汗而額伯爾部從濟
囊居套和碩部從諳達居漠婁巴圖住牧宣府塞外與
濟囊子濟農東西出沒並聽諳達調度濟囊諳達婁巴
圖皆阿珠子而諳達最強

嘉靖間犯邊無寧歲遂絕其貢至隆慶中復款貢為順
義王

貢物 馬 駝 貂鼠皮 海青

順義王

嘉靖間濟囊駐牧河套近延寧諳達近大同山西婁巴圖近宣府各衆十餘萬時時寇邊二十九年諳達入犯薄都城脅求通貢不許

隆慶四年諳達孫巴罕鼐濟來降詔授官職厚撫之諳達屢請不得遂執拜牲叛人趙全等以獻請贖還鼐濟因乞封貢許之乃封諳達為順義王賜勅印令約束諸部落其弟婁巴圖其子黃台吉等并各部皆授以都督指揮千百戶等官每年一貢以二月為期由小王子故

道馬不過五百匹內選上馬三十匹督撫代進餘留邊
給軍使人不過一百五十名俱留大同應得賞賜差官
齎發軍門頒給五年套部濟囊子濟農因語達求貢詔
授濟農都督部下頭目量授指揮千百戶每年貢馬二
百匹內選上馬二十匹送宣大軍門類進餘馬及使人
二十名俱留延寧賞賜亦差官齎給仍許開市諸部貢
者六枝一婁巴圖後為青巴圖台吉等一黃台吉等今
為齊哩克等一永實卜岱青台吉等一烏蘇達爾罕台

吉等一呼喇濟巴圖爾台吉等一濟農後為巴圖爾黃
台吉等今為布斯圖阿布哈等皆統於順義王諳達開
市凡十一處在大同者三曰得勝口曰新平曰守口在
宣府者一曰張家口在山西者一曰水泉營在延綏者
一曰紅山寺堡在寧夏者三曰清水營曰中衛曰平虜
衛在甘肅者二曰洪水扁都口曰高溝寨歲以為常市
各二日每月又有小市六年貢市部人一百五十三名
萬厯元年增至四百五十三名二年增至五百五十七

名題準行該鎮督府量加節制諳達死黃台吉嗣王更
名徹辰汗齊哩克

貢物 馬 鍍金鞍轡 撒袋 達弓 雕翎箭

諾延衛 福餘衛 泰寧衛

烏梁海即古山戎後稱庫莫奚在烏龍江南漁陽塞
北元時為大寧路北境國初設北平行都司洪武十
四年以大寧地封子權為寧王二十一年東夷遼王
惠寧王諾延元帥府元帥等各遣使來朝二十二年

乃分烏梁海為三衛于橫水之北曰諾延曰福餘曰
泰寧以處降人授指揮使等官各賜以冠帶俾領所
部

成祖靖難時寧王權從南下時諾延三衛各以其兵從
有戰功永樂元年三衛來朝益求內附因改封寧王于
南昌移行都司於保定而以大寧全地與之授都督都
指揮指揮千百戶鎮撫等官各賜勅書每襲則更勅有
功則加陞入貢者以勅為驗自是襲陞朝貢不絕歲以

聖節及正旦後改冬至兩貢每貢各衛百人由喜峰口

入

貢物 駝 馬

西戎

自陝西蘭州渡河千五百里至肅州肅州西七十里
為嘉峪關外並稱西域而陝西以南並四川抵雲南
外徼並稱故元遼王七衛曰哈密曰安定曰安圖曰
齊勤蒙古曰察遜曰罕都罕都左皆曰關西而哈密

又最西永樂十三年遣使往諭西域歷十有七國其
後土魯番強占據哈密關西諸衛皆為所侵擾西番
地為都指揮使二指揮使司一宣慰使司三招討司
六萬戶府四千戶所十七又於洮河西寧各置茶馬
司以通貿易國初令各酋長故有官職者至京授職
俾因俗為治至今因之

哈密

輝和爾附

哈密古伊吾廬地在燉煌北大磧外為西域諸番往來

要路其國部落與回輝和爾三種雜居非貴俗不相
下永樂二年以封元裔額爾克特穆爾為忠順王而授其
頭目瑪哈瑪特浩齊等為指揮等官分居苦峪城忠順王
數世襲封賜金印誥命領西域職貢而三種各立都督
以佐之諸番貢使皆繇哈密譯送成化元年令哈密每
年一貢以八月初旬驗放入關多不過三百人內起送
三十人赴京九年以後及弘治正德間數被土魯番驅
掠朝廷每遣大臣經畧還其金印城池復立酋長然驅

掠如故嘉靖八年定每貢不必拘三百之數止據到數十人起送二人前起貢回盡數出關後起方許入關十一年定五年一貢每貢不過一百人起送不過三十人四十二年定哈密輝和爾都督俱五年一貢每貢三十人起送十三人餘留邊聽賞

貢物 馬 駝 玉 斯隆瑪石 青金石 把咱

石 金剛鎖 梧桐簾 鐵器 諸禽皮等物

安定衛

安定韃靼別部洪武七年西域安定王布延特穆爾遣使來朝貢鎧甲刀劍等物因立其酋長為四部各賜印曰鄂端曰阿榮曰庫克新曰特哩而賜布延特穆爾銀印仍稱安定王八年設安定鄂端二衛指揮使司分統四部天順三年弘治十一年俱遣使來貢駝馬

罕都衛 齊勤蒙古

罕都罕都左二衛皆在沙州本西戎部落洪武三十年設以其部長索諾木策喇實為指揮僉事永樂二年來貢

陞指揮使齊勤蒙古西戎月氏國永樂二年故韃靼丞相子塔爾尼來歸因設齊勤蒙古千戶所以為千戶尋陞為衛塔爾尼為指揮各賜印詔宣德以來朝貢不絕嘉靖四十二年定五年一貢每貢三十人起送十三人赴京餘留邊聽賞

貢物 馬 駝 梧桐 鹹

察遜衛

察遜亦西戎部落永樂四年設衛以其襲薩奇蘓為指

揮同知正德二年遣使朝貢

哈里 哈克織 哈喇婁 薩爾滿 喀什噶

爾 哈努勒 薩哩木 薩蘭 額爾巴拉

亦云

巴實 摩和勒 博迪蘇 巴勒赫 阿哩瑪

伯哩

圖沙瑪 綽爾齊 幹齊爾 布哈爾 保喇

實喇斯 尼沙布爾 和斯摩哩 塔布喇實

古薩克蘓 和坦 和卓 庫克新 沙津哈

雅 約希 雅爾哈 戎 巴雅爾 阿克蘇

鄂端 伊遜展 庫徹 沙克 巴延 克結

西戎三十八國朝貢皆經哈密其貢期或三年或五年
一次起送不過三十五人哈里洪武三十五年遣使招
諭賜織金文綺永樂七年正統二年俱遣使來朝貢馬
及玉石額爾巴拉洪武二十四年遣使來朝貢馬永樂
四年貢玉璞等物十一年遣使諭其國十六年復入貢
正統二年其王烏蘇遣人貢玉璞駝馬景泰天順以來
入貢不絕

土魯番 和卓 柳陳城

和卓古車思地東七十里為柳陳城西百里為土魯番
永樂七年和卓遣使朝貢宣德五年和卓王哈克繖土魯
番萬戶賽音特穆爾柳陳城萬戶鄂齊爾俱遣使貢馬
及玉璞其後朝貢者止稱土魯番成化九年番酋阿里
侵陷哈密擄王母奪金印弘治初其子阿里瑪復誘殺
哈尚六年又擄善巴以金印去朝遣官經畧絕其貢十
年効順復許通貢自後叛服不常正德四年五年俱來

貢嘉靖二年以後定五年一貢

貢物 馬 駝 玉石 鑲鐵刀 鑲鐵銼 各色

靶小刀 金剛鑽 梧桐鱗 羚羊角 鐵角皮

紅絹道布 柳青撒哈刺 禪衣鞍子撒袋花手巾

賽瑪爾堪

賽瑪爾堪古屬賓國洪武二十年國王特穆爾遣使朝貢二十二年復進馬二十四年進海青正統中再貢馬及玉石成化弘治中再貢獅子嘉靖二年後定五年一

貢

貢物 馬 駝 玉石 阿思馬亦花珠 薩蘭珠

瑪瑙珠 水晶枕 番枕 珊瑚樹珠 蘓普

梧桐齠 矮納 鑲鐵刀 鑲鐵銼 礪砂 哈喇

石眼鏡 羚羊角 銀鼠皮 鐵角皮

魯爾

嘉靖三年自甘肅入貢後定五年一貢每貢起送十餘

人

貢物 獅子 西牛 玉石 金剛鑽 珊瑚珠花
瓷 珠花瓷湯壺 鏗 蘓普 撒哈刺 花帳子
羚羊角 實魯蘓皮 西狗皮 鐵角皮

天方國

天方古筠坤地又名西域宣德中遣使朝貢正德十二年入貢嘉靖中定五年一貢

貢物 駝 馬 玉石 瑪瑙 鑲鐵刀 鑲鐵鏗
花銅鐘 薩蘭石 礪砂 金剛鑽 蘓普 眼

鏡
鼈班兒香
羚羊角
鐵角皮

默德那國

即回回祖國地接天方宣德中遣使隨天方國使臣朝貢

于闐國

于闐大國在蔥嶺北永樂六年頭目達魯噶額伯爾沁遣使來朝貢玉璞

日落國
巴勒丹哈沙
溫都爾
伊斯帕罕

俱永樂中遣使朝貢

哈喇

宣德七年遣使朝貢

額濟格依喀三

俱嘉靖中新附入貢

烏斯藏

西番古吐番地元時為郡縣洪武初因其舊職于是烏斯藏番僧有闡教王闡化王輔教王贊善王統化番民

又有護教王大法乘王大贊法王凡七俱賜銀印令比
歲每間歲朝貢

成化十七年題準每三年一貢各番王差人填寫原降
勘合闡化闡教輔教三王差來人從四川布政司比號
贊善王差來人從陝西布政司比號拜齋有印信番本
咨文方許入貢每貢各一百人多不過一百五十人大
乘大寶二法王原係遊僧無定所不管束番民不給勘
合亦無進貢年例止聽其欲來許差僧徒十人齋印信

番本隨四王貢使赴京護教王弘治以後來貢例與輔教王同其後入貢人數益多

隆慶三年奏定闡教闡化輔教三王大乘大寶二法王俱三年一貢每貢各一千人內五百人全賞在京題給五百人減賞本省給與于全賞內起送八人赴京餘留邊聽賞護教王三年一貢每貢七百七十五人內三百八十七人全賞三百八十八人減賞于全賞內起送六人赴京餘留邊聽賞

貢物 畫佛 銅佛 銅塔 舍利 各色珠勒瑪

各色特爾默 各色氍毹 珊瑚 犀角 左髻

毛纓 酥油 明盔 明甲 刀劍

長河西魚通寧遠等處

雜道長官司附

洪武十六年置長河西等處軍民安撫使司每年一貢
給與勘合于四川比號雅州入境每貢止許五六十人
多不過一百人方物該守關官員辨驗申送都布按三
司審實起送後改陞宣慰司弘治以來人數漸多嘉靖

二年題用弘治以前例不許過一千人隆慶三年定三年一貢每貢一千人內五百人全賞五百人減賞于全賞內起送八人赴京餘留邊聽賞

雜道長官司本長河西宣慰司部落初附本司年例進貢每貢差僧徒百人成化十六年乃另行起貢隆慶三年定三年一貢每貢三百三十六人內一百六十八人全賞一百六十八人減賞于全賞內起送四人赴京餘留邊聽賞

貢物 畫佛 舍利 各色珠勒瑪 各色特爾默
各色氍毹 珊瑚 犀角 左髻 明盔刀 毛纓

朶甘斯

朶甘直管招討司附

洪武七年陞朶甘衛為西安行都指揮使司給銀印十
八年改朶甘斯宣慰使司及萬戶府招討司東道萬戶
府塔魯千戶所每年一貢給與勘合于四川比號雅州
入境每貢止許五六十人多不過一百人後三年一貢
每貢一百人多不過一百五十人

舊每年一貢後三年一貢於四川比對勘合人數照朶
甘斯例嘉靖二年題用弘治以前例不許過一千人其
部落別思寨安撫司加渴瓦寺弘治以後另貢 加渴
瓦寺茂州汶川縣地方成化六年奉勅本處住坐隆慶
三年定俱三年一貢董卜韓胡別思寨每貢共一千七
百三十五人內八百六十七人全賞八百六十八人減
賞于全賞內起送八人赴京餘留邊聽賞加渴瓦寺每
貢七百六十四人內三百八十二人全賞三百八十二

賞于全賞內起送八人赴京餘留邊聽賞

貢物 珊瑚 胡黃連 木香 毯毯 足力麻

左髻 毛衣

雜谷安撫司

舊三年一貢每貢許一百人多不過一百五十人後人數漸多隆慶三年定每貢一千二百七十四人內六百三十七人全賞六百三十七人減賞于全賞內起送八人赴京餘留邊聽賞弘治正德中又有新招撫上草坡

直管招討司本朶甘斯宣慰司部落初附本司進貢襲
職成化以後乃分為二貢期人數與本司等後因人數
漸多隆慶三年定俱三年一貢每貢各一千人內五百
人全賞五百人減賞于全賞內起送八人赴京餘留邊
聽賞

貢物 各色珠勒瑪 各色特爾默 各色氍毹
左髻 明盔 長刀

董卜韓胡

別思寨安撫司

加渴瓦寺附

人減賞于全賞內起送六人赴京餘留邊聽賞

貢物 各色氍毹 各色珠勒瑪 各色特爾默

珊瑚 明盔 鐵甲 遮甲麻衣 白毛纓 紅毛

纓 黑毛纓 黃左髻

金川寺番僧

四川威州保縣地方舊三年一貢每貢許一百人多不過一百五十人正德以來人數漸多隆慶三年定每貢五百五十人內二百七十五人全賞二百七十五人減

克州等寺寨附屬本司

貢物

珊瑚

胡黃連

木香

茜草

足力麻

氍毹

毛衣

左髻

海螺

打刺兒寨

四川威州地方正德四年招撫奉勅為冠帶頭目議準
三年一貢每貢許二百五十人隆慶三年定一百二十
五人全賞一百二十五人減賞于全賞內起送四人赴
京餘留邊聽賞

貢物 珊瑚 氍毹

達司蠻長官司

舊來朝貢至正統十年以後止弘治二年復來嘉靖五年題用正德中例以三百九十人為正額後漸次增多隆慶三年定三年一貢每貢四百三十八人內二百一十九人全賞二百一十九人減賞于全賞內起送四人赴京餘留邊聽賞

貢物 珊瑚 犀牛角 礪砂 木香

長寧安撫司 韓胡礪怯列寺

二項番僧在四川松潘茂州等處地方舊每年朝貢許
三十人多不過五十人附近烏斯藏地面者照烏斯藏
例三年一貢每貢許二十三人多不過五六十人嘉靖
八年長寧以宣德中例為請遂準三百人為正額隆慶
三年定長寧安撫司三年一貢每貢三百人內一百五
十人全賞一百五十人減賞于全賞內起送四人赴京
餘留邊聽賞韓胡礪怯列寺三年一貢每貢一百五十

人內七十五人全賞七十五人半賞于全賞內起送四人赴京餘留邊聽賞

貢物 珊瑚 明盔 明甲 刀 乾松 氍毹

洮岷等處番僧

每寺許四五人每年終遇大節一次赴京朝貢

洮岷等處番族

舊二年一貢後三年一貢大族起送為首者四五人小族起送一二人留邊聽賞者大族不過十五人小族不

過七八人

貢物 銅佛 畫佛 舍利子 馬 駝 酥油

青鹽 青木香 足力麻 鐵力麻 氍毹 左髻

毛纓 明盔 明甲 腰刀

